

ԷԹՈՎՐԱՏԻԱՆ ՈՐՊԵՍ ՊԵՏԱԿԱՆՈՒԹՅԱՆ ՀՆԱՐԱՎՈՐ ՁԵՎ

Վաչե Քալաշյան

Հոդվածում փորձ է արվել տեսականորեն տարանջատել առաքինություն, բարոյականություն և էթիկա հասկացություններն իրենց սահմանումների շրջանակներում: Արդյունքում՝ գնահատվել է պետականաշինարարությունում բարոյական բաղադրիչի դերակատարությունը և առաջադրվել են որակապես նոր պետական կերպի (էթոկրատիա) սահմանումն ու դրա հաստատման համար անհրաժեշտ ինստիտուցիոնալ հիմնավորումը:

Ներածություն

Պետական իրականությունը մշտնջենական ժառանգություն է, որ գալիս է անցյալից, իսկ պետական մտածողությունը, ձգտելով բացահայտել պետության էությունը, պատմական զարգացման ընթացքում չի սահմանափակվել ժամանակի որոշակի հատվածներով, այլ փորձել է թափանցել անցյալի խորքերը:

Հետադարձ հայացքն անցյալին մեզ բերում է այն համոզման, որ հասարակական հարաբերությունների ձևավորման չափանիշները բաժանվել են երկու տեսակի՝ երկրային (ռացիոնալ) և տրանսցենդենտալ (իրացիոնալ): Առաջինի դեպքում հիմք էին ընդունվում կենսակերպը, առօրյա գործունեությունը, դրանց առանձնահատկություններն ու դրսևորումները և դրանց յուրացման ժամանակ առանձնակի ջանքեր չէին գործադրվում դրանք գերբնական չափանիշներով բացատրելու համար: Երկրորդի դեպքում առօրեականության հատվածայնության հաղթահարման և համերաշխության հասնելու համար դիմում էին վերերկրյա, բացարձակ, աստվածային հեղինակություններին, այլ խոսքով՝ առաջին հերթին հոգևոր արժեքներին: Ըստ էության, նրանք ամբողջովին մեկուսացված չեն երկրային իրականությունից, այլ լրացնում են այն՝ իմաստ և բովանդակություն հաղորդելով հասարակական կենցաղում հաստատված հարաբերություններին:

Մեր կարծիքով՝ այս երկու մակարդակների ներդաշնակությունը ենթադրում է պետություն և պետականություն հասկացությունների տարբերակում: Այս պարագայում պետականությունը պետք է սահմանել որպես ինքնակազմակերպման զգացում հոգևոր հարթությունում, իսկ պետությունը՝ որպես այդ զգացման իրականացում (պրոյեկցիա) երկրային իրականությունում: Այս առումով բնութագրական է ֆրանսիացի քաղաքագետ Ֆ.Արդանի սահմանումը. «Պետությունը միևնույն ժամանակ գաղափար է և

փաստ, արստրակցիա և կազմակերպություն, այն չունի որոշակի ռեալություն, այն չի կարելի շոշափել, բռնել, բայց նրա առկայությունն զգացվում է միշտ» [1]: Այս մտեցմամբ պարզ է դառնում, որ պետությունը պետականության արտացոլումն է, նրա երևութաբանական արտահայտությունը և վերջինիս նպատակը. ինքնակազմակերպման օպտիմալ միջոց պետք է լինի պետականակերտման ձևի պահպանումը հոգևոր, գիտակցական և ֆիզիկական մակարդակներում: Ընդ որում՝ նրա չափից ավելի թուլացումը կամ հզորացումը երեք մակարդակներից մեկում անխուսափելիորեն հանգեցնում է պետության նպատակային գործառույթների խեղաթյուրման՝ խախտելով էություն-երևույթ կապը և, որպես հետևանք, իր դրսևորմամբ պետությունն օտարվում է հասարակությունից, երազանքից ու ակնկալիքից, որն ի սկզբանե կոչված էր մարմնավորել՝ հավատարիմ մնալով Պետականության տաճարի իր կոչմանը: Հետևաբար, պետության էությունը բնութագրվում է նրա հիմքում ընկած արժեհամակարգով՝ որպես ապագայի մտովի պատկեր և ոչ թե կառավարման համակարգի մեխանիկական կառույց:

Մի կողմ թողնելով կառավարման համակարգի հարցը՝ տեսնում ենք, որ ցանկացած հասարակարգ վաղ թե ուշ կազմալուծվում է, ինչի մասին վկայում է պետության պատմության մեջ հայտնի «ցիկլայնության» հայեցակարգը, որի համաձայն՝ միապետությունը վաղ թե ուշ վերաճում է բռնապետության, արիստոկրատիան՝ ամբոխապետության, դեմոկրատիան՝ պոլիտիայի [2, 3]:

Ելնելով «ցիկլայնության» տեսությունից՝ պետության կատարելատիպի մոդելի հիմնախնդիրը միշտ գտնվում է հասարակական մտքի ուշադրության կենտրոնում: Դեռևս անտիկ դարաշրջանում նման մոդելի կայացումը կապվում էր հայտնի քաղաքական վարչակարգերի համադրման հետ, փորձ էր արվում միապետության, արիստոկրատիայի և դեմոկրատիայի զուգակցմամբ գտնել կառավարման հաշվեկշռված մեխանիզմ:

Հետագայում «ցիկլայնության» տեսությունն իր շարունակությունը գտավ սոցիոլոգիայում: Մասնավորապես՝ իդեոցիոնալ, իդեալիստական և ռացիոնալ գերարժեքների պարբերական փոփոխությունները հաստատելիս այն նշանավորվում է նրանով, որ առանձնացնում է մարդու կենսագործունեության արտաքին կողմերը նրա ներաշխարհից և որպես այդ առանձնացման հետևանք՝ նշում է երկու տեսակ նորմերի՝ առաքինության և կառավարման իրավունքի մրցակցության սկիզբը, երբ իրավունքը կառավարում է կյանքի արտաքին, իսկ առաքինությունը՝ ներքին կողմը:

Էթոկրատիա բառն առաջացել է հունական *ethos* (առաքինություն, բնավորություն) և *kratos* (իշխանություն) բառերից: Եթե նկատի ունենանք վերն ասվածը, ապա, առաջին հերթին, պետականության այս ձևը պետք է

դառնա պետության արժեքային հիմքը և միայն հետո իրականացվի ինստիտուցիոնալ մակարդակում: Էթոկրատիայի իրականացման հնարավորությունը հիմնավորելու համար անհրաժեշտ է բացահայտել առաքիներություն-բարոյականություն-էթիկա հարաբերակցության մեխանիզմը, քանի որ պետության ինստիտուցիոնալ ձևը կազմավորվում է իրավակարգի ներքին տրամաբանությամբ, իսկ իրավական նորմը գոյություն ունի միայն նրա առաքիներության, բարոյական բովանդակության շնորհիվ՝ չնայած այդ նորմերի միջև առաջացող հակամարտությանը:

Առաքիներություն-բարոյականություն-էթիկա. շերտագրություն

Էթիկայի՝ որպես միջանձնային հարաբերությունների հնարավոր կարգավորողներից մեկի, դերի հետ կապված հարցերն ուսումնասիրելիս պարզվում է, որ վերջինս հստակ ձևակերպում չունի, ուստի բավականաչափ հստակ չեն առաքիներություն-բարոյականություն-էթիկա հասկացությունների սահմանազատումն ու դրանց փոխկապվածության աստիճանը: Հարցի գիտական մոտեցումների վերլուծությունը ցույց է տալիս, որ այդ հասկացությունների միջև առկա է հիերարխիկ կապ, որն արտահայտվում է ոչ թե նրանց մեկը մյուսի նկատմամբ ունեցած գերակայությամբ, այլ փոխապայմանավորվածությամբ: Այսպես, աշխատանքի մեթոդաբանության հիմք է ծառայել «մարդկային ոգու շարժումը *առաքիների պրոտոֆենոմենից* (կամ նախաառաքիներությունից), որն ամփոփված է պաշտամունքի մեջ, առասպելում, կրոնում..., մշակույթի և սոցիալական նորմեր կրող առաքիների միջոցով դեպի *առաքիների էպիֆենոմեն*, այսինքն՝ նրա հեռացումը ժամանակակից տեղեկատվական քաղաքակրթությունից և վարվել-լակերպի ու իրավունքի նորմերից» [5]:

Ընդհանրացնելով առաքիների գոյություն ունեցող սահմանումները՝ հանգում ենք այն եզրակացությանը, որ առաքիներությունը գոյություն ունի որպես հոգևոր ոլորտում մարդուն ի սկզբանե տրված արժեքային նախադրյալների համախումբ, որոնց հիմքի վրա են կառուցվում Բարու և Չարի հասկացությունները, պատկերվում է ապագայի մտավոր սխեման: Այլ խոսքով՝ *առաքիներությունը համապարփակ Միրո, ազատություն հանուն ազատության սրբազան և պերմանենտ նախազգացումն է: Բարուց և Չարից անդին գտնվող այդ նվիրական ներքին արժեքն էլ հենց ցանկացած սոցիալական հանրության կարևոր անփոփոխելի (ինվարիանտ) է:*

Առաքիների սկզբունքների ազդեցությունն անձի վրա դրսևորվում է որպես կոլեկտիվ անգիտակցականի հետ հակադարձ կապ՝ նախատիպերի և ավանդությունների միջոցով: Կ.Գ.Յունգի ուսումնասիրությունների շնորհիվ այն կայուն հոգեկան կառույցները, որոնք անհատական խորհր-

դանշական կառույցների միջոցով արտահայտում են աշխարհակարգը, անվանվեցին «նախատիպեր» (արխետիպ): Հետագայում Յունգը դրանք *ինքնություն* բնորոշեց [6]:

Հիերարխիկ կապի հաջորդ աստիճանը նախորդի արտաքին դրսևորումն է գիտակցական մակարդակում: Բարոյականությունը Բարու և Չարի ընկալումն է, ներքին ազատության աստիճանը հոգեկան ոլորտում: Այսպիսով, բարոյականությունը մարդու զգայական ռեակցիան է շրջապատող աշխարհի նկատմամբ և որպես այդ ռեակցիայի հետևանք՝ կանխորոշում է անձի իրավիճակային շրջապատը տարածաժամանակային կոնտինուումում: Այս մեխանիզմն առավել մանրամասն պարզաբանվում է Ս.Լազարևի աշխատությունում [7]:

Բարոյական սկզբունքների ազդեցությունն անձի վրա սոցիումի հետ հետադարձ կապի ճանաչողական (կոգնիտիվ) դրսևորումն է՝ ընդհանրապես մշակույթի միջոցով: Հետևաբար, մշակույթը Էության տեղեկատվական դրսևորումն է՝ արտահայտված տվյալ սոցիումի խորհրդանիշների համախմբում: Քանի որ հոգևոր էներգիան դրսևորվում է միայն խորհրդանիշների միջոցով՝ ֆիզիկական մակարդակում, ապա մշակույթի ամբողջականության չափանիշը առարկայորեն դրսևորվում է նրա «լեզվում», սիմվոլիկայում» [8, 9]:

Այս մոտեցման պարագայում, քանի որ ցանկացած համակարգ կազմավորվում է բաղադրիչների միջև հարաբերականորեն կայուն կապերի առաջացմամբ և ոչ թե դրանց մեխանիկական հանրագումարով, ապա մշակույթը հանդես է գալիս իբրև սոցիալական հասարակության հիմնական համակարգաստեղծ գործոն [10, 11]: Հետևաբար, *որևէ համակարգի (այդ թվում և ազգային) անվտանգությունը հանգում է համակարգաստեղծ կապերի պահպանմանը՝ արտաքին ազդեցությունների անվերջ քանակության առկայության պայմաններում: Այլ խոսքով՝ ուրույն մշակույթի պահպանումը անվտանգության դոկտրինի գլխավոր սկզբունքն է:*

Բարոյականության հաջորդ հիերարխիկ պրոյեկցիան դրսևորվում է ֆիզիկական մակարդակում՝ վարքաձևի կարծրատիպով և սահմանվում է որպես վարքի էթիկական նորմ: Հետևաբար, էթիկան արխետիպաներշնչականից բխող սոցիալ-ճանաչողականի նյութականացումն է:

Էթիկան է հենց իռացիոնալի (առաքինություն) և ռացիոնալի (իրավունք) սահմանազատիչ գիծը, և էթե էթիկայի նորմերը բխում են վերը նկարագրված եռամաս շերտագրությունից, ապա իրավունքը բնական, օրգանապես փոխկապված երևույթ է, մարդու ներաշխարհի արտաքին շարունակությունը: Այս դրույթի հիմնավորումն է նաև այն, որ «էթիկայի ավանդույթը փիլիսոփայության մեջ, որպես հոգու փրկության անհատական ուղու ավանդույթ (ընդհանրական փրկության կրոնական ավանդույթին

գուգահեռ), անտիկ աշխարհում սկսել է ձևավորվել աշխարհակարգի մասին տիեզերածին գաղափարների ուղղությամբ» [12]: Իսկ աշխարհակարգի և աշխարհաստեղծման մասին տիեզերածին գաղափարները ցանկացած բնական սոցիալական տեսակի հոգեբանական հաստատուններ են հանդիսանում, որոնք տարբերվում են սոսկ գաղափարախոսական դրսևորումներում՝ քաղաքական այն գաղափարների և խորհրդանիշների աշխարհագրոցողության առանձնահատկությունների համաձայն, որոնք համապատասխանում են սոցիալական կարգի հաստատման սկզբունքների մասին նախատիպային պատկերացումներին: «Ընդ որում՝ այդ սիմվոլիկան արխայիկ մշակութային ժառանգության մաս չի հանդիսանում, այն ավելի շուտ ակտուալ զանգվածային հաղորդակցության արդյունք է» [13]: Այս առումով, անկախ սոցիալական կարգի որոշակի ձևից, առաքինության, իրավունքի և պետական կարգի փոխլրացյալությունը երևում է վերոնշյալ եռամաս շերտագրության համապատասխան իմաստաբանության համանմանության մեջ: Մասնավորապես, իրավունքի իմաստաբանությունն արտահայտվում է իրավական նորմի եռամիասնական բնույթով (հիպոթեզ, դիսպոզիցիա և սանկցիա), իսկ պետական կարգի պարագայում՝ իշխանության երեք ճյուղերի (օրենսդիր, գործադիր և դատական) հաստատմամբ: Եռահամաչափության վրա հիմնված այս խորքային կապը կարելի է տեսնել նաև Պլատոնի իդեալական պետության տեսության մեջ, որը հենվում է էթիկական ռացիոնալիզմի սկզբունքի վրա: Ըստ այդ սկզբունքի՝ համաչափության օրենքներով պետության կազմավորման համար անհրաժեշտ է փոխհաղորդել նվիրականը: Մեր կարծիքով՝ հարցադրման այս ձևը մատնանշում է էթոկրատիայի ինստիտուցիոնալ իրականացման հնարավոր ուղիները, որոնց որոնմանն է նվիրված հետագա շարադրանքը:

Էթոկրատիայի ինստիտուցիոնալ իրականացման հնարավորությունները

Պետության սոցիալական էության դիտարկման ժամանակ պետության տեսությունը կարևոր տեղ է հատկացնում պետական իշխանության բնույթի հարցին: Ընդ որում՝ առանձնացվում են ժամանակակից պետության չորս հիմնարար գործառույթներ. տնտեսական, սոցիալական, քաղաքական և գաղափարախոսական [14]: Այս բոլոր բաղադրիչները, սակայն, ինչ-որ չափով միահյուսվում են, և չի կարելի մի գործառույթի կիրառումը դիտարկել մյուսներից անկախ, ինչն անխուսափելիորեն հանգեցնում է պետական իշխանության այլասերման: Այսպես.

ա. տնտեսական բաղադրիչի գերակայության պարագայում պետական իշխանության միակ խնդիրը նյութական բարիքների բաշխումը կամ

վերաբաշխումն է, արդյունքում՝ հասարակությունը ձգտում է սպառողական կենսակերպի,

բ. սոցիալական բաղադրիչի գերակայության պարագայում պետական իշխանությունը կենտրոնանում է սպասարկումների ոլորտի պայմանների բարելավման վրա՝ այդ ընթացքում հեռանալով իր կարգավորիչ նշանակությունից. այն «լուծվում» է հասարակության այլ կազմակերպական տարրերի մեջ,

գ. քաղաքական բաղադրիչի գերակայության պարագայում պետական իշխանությունը ուշադրությունը սևեռում է դասակարգերի և սոցիալական խավերի, ճնշման խմբերի հարաբերությունների կարգավորման վրա՝ իշխանությունը պահպանելու նպատակով. արդյունքում՝ այն վերածվում է ինքնանպատակի, իսկ քաղաքական իշխանությունը՝ օլիգարխիայի,

դ. գաղափարախոսական բաղադրիչի գերակայության պարագայում պետական իշխանությունը նպաստում է մշակութային ժառանգության որակական բազմազանության առավելագույն ժխտմանը, ինչն իր հերթին հանգեցնում է համակարգաստեղծ կապերի փլուզմանը, արդյունքում՝ հասարակությունը դառնում է անկայուն, ենթակա արտաքին ազդեցություններին: Ի հետևանս՝ պետական իշխանությունը վերաճում է ամբողջատիրության այս կամ այն տարատեսակի:

Մյուս կողմից՝ վերոնշյալ ոլորտներից յուրաքանչյուրն ունի իր սեփական ներքին տրամաբանությունը և կազմակերպման առանձնահատկությունները:

Պետական իշխանության իրականացման ինքնատիպ մոտեցում է առաջարկում գերմանացի անտրոպոսոֆ Ռ.Շտայները: Սոցիալական ոլորտը դիտարկելիս նա հենվում է երեք տեսակ՝ տնտեսական, իրավական և հոգևոր օրինաչափությունների վրա: Ընդունելով, որ այս երեք օրինաչափությունների փոխհարաբերություններով է միայն հնարավոր ստեղծել հասարակական կյանքի բոլոր ոլորտների առողջ կազմակերպման ազդակները, հեղինակն անում է հետևյալ եզրակացությունը. «Արդիականության սոցիալական պահանջները չհասկանալու ողբերգությունն այն է, որ հասարակության լայն շրջանակները ոչինչ չեն ուզում իմանալ այն ուժերի մասին, որոնք հոգեկան կյանքի խորքերից են, չեն ուզում տեսնել, թե ինչ է իրականում կատարվում մարդկանց հոգիներում» [15]:

Այսպիսով, պետության տեսության կարևորագույն գործնական խնդիրներից մեկն այն է, որպեսզի գտնվեն այնպիսի ուղիներ, միջոցներ ու ձևեր, որոնք թույլ կտան ներդաշնակորեն կազմակերպել հասարակության կենսագործունեության բոլոր ոլորտները, ապահովել պետական կարգավորման անհրաժեշտ աստիճանի և յուրաքանչյուր ոլորտի օպտիմալ ինք-

նակարգավորման գուգակցումը: Կարգավորման և ինքնակարգավորման հարաբերակցությունը պետք է կապակցվի պետության նպատակային գործառույթի հետ, որն, իր հերթին, իմանենտ (ներակա) է աշխարհակարգի մասին հասարակության նախատիպային պատկերացումներում: Ելնելով ասվածից՝ կարելի է փաստել, որ պետության հոգևոր բաղադրիչի կազմավորումը՝ հիմնված պետականակերտման ձևի բարոյական պատկերացումների վրա, կարևոր դեր է խաղում ինչպես կարգավորման և ինքնակարգավորման հաշվեկշռված հարաբերակցության հաստատման, այնպես էլ իշխանության հաջորդականության ապահովման համար: Այս իրողությունը հաստատվում է նաև Ռուսաստանի պատմական անցյալով: «Պետրոսի կողմից հիմնադրված և Ռուսական կայսրության քաղաքական կառուցվածք ներմուծված Սրբազան սինոդը, որը ղեկավարում էր աշխարհիկ անձօրեր-դատախազը, և որը ներկայացնում էր պետությունը, ամրագրեց եկեղեցու այս տեղը ռուսական կյանքում՝ յուրովի հոգևորականին վերածելով «կրոնի աստիճանավորի»՝ ապահովելով պետական գաղափարախոսության հաջորդականությունը» [16]: Սակայն որոշումների կայացման համակարգում արդի իրողություններին համապատասխան՝ էթիկայի սկզբունքների ներդրումը հնարավոր է միայն այն մեթոդների և գործիքների հաշվառմամբ, որոնց միջոցով պետական իշխանությունն իրականացնում է իր կարգավորիչ գործառույթը:

Հասարակական հարաբերությունների բոլոր ոլորտների կարգավորման համար հասարակական իշխանությունը պետական կառավարման համակարգում հատուկ ապարատ ունի: Ներկայացված դատողությունների համատեքստում հետաքրքիր է թվում պետական կառավարման այն ձևակերպումը, որ տրվել է ՄԱԿ փորձագետների երկրորդ խորհրդակցության ժամանակ, այն է՝ պետական կառավարումը «պետական կազմակերպությունների միջոցով ազգային նպատակներին ու խնդիրներին հասնելու գործընթաց է, որն այժմ իրականացվում է պետական ծառայության ինստիտուտի կողմից» [17]: Հասարակական հարաբերությունների ձևերի բազմազանությունը թույլ է տալիս պետական ծառայությունը դիտարկել միաժամանակ որպես սոցիալական, իրավական, տնտեսական ու քաղաքական ինստիտուտ, որը ղեկավարվում է որոշակի սկզբունքներով: Վերջիններիս թվում, մեր կարծիքով, համակարգային նշանակություն ունի պետական ծառայության հիերարխիկ կազմակերպման սկզբունքը, որով պայմանավորված է պետական կառավարման ապարատի կենտրոնացված ղեկավարման ձևը: Այս պարագայում պետական ծառայությունը հանդես է գալիս որպես կենտրոնախույս միտումների «կոմպենսատոր», որոնք իրավական պետության պայմաններում օբյեկտիվորեն առաջանում են իշխանության երեք ճյուղերի

բաժանման ժամանակ: Այս ամենն առավել մանրամասն և ամբողջությամբ լուսաբանված է «Պետական ծառայություն. տեսություն և կազմակերպում» գրքում [18]: Այստեղ դիտարկվում են կառավարման համակարգի արդյունավետության բարձրացման հետ կապված հարցերը, որոշակի նշանակություն է տրվում պետական ծառայության կազմակերպման արժեքային հիմքերին: Մեր կարծիքով, ցանկացած համակարգի արդյունավետությունը միջոց է նպատակաուղղված գործողությունների իրականացման համար, իսկ ինչ վերաբերում է պետական ծառայության համակարգին, ապա բարձր արդյունավետությունը, առանց բարոյական հիմնավորվածության, հղի է վարչակազմի կողմից քաղաքական իշխանության բռնազավթման վտանգով: Հետևաբար, «պետական ծառայողների էթիկայի վարքականոնի մշակման և պետական մարմիններում էթիկայի հասարակական կոմիտեների ստեղծման անհրաժեշտության» գաղափարը միայն կոռուպցիայի հաղթահարման միջոց չէ [18]: Առաքինություն-բարոյականություն-էթիկա եռամաս շերտագրության պահպանման պարագայում այն նաև կարող է պետական ծառայության համակարգը որոշումների ընդունման որակապես նոր գործիքի և իշխանության հաջորդականության ապահովման համակարգի կազմավորման ուղենիշ դառնալ: Հենց այս ձևն էլ պայմանականորեն անվանել ենք «էթոկրատիա», որը, մեր կարծիքով, պետք է դիմակայի վարչարարական իշխանության (ադմինիստրատիա) հարաճուն ուժին: «Ադմինիստրատիա» եզրը (լատ.՝ վարչարարների իշխանություն) գիտության մեջ է մտցրել ամերիկյան գիտնական Գ.Ս.Քլեյբը՝ բռնապետության նոր ձևը նշելու համար, որն իբր արդեն իր տիրապետության տակ է առել որոշ երկրների [19]: Հռոլվածի առաջին մասում բերված սահմանումների համատեքստում ադմինիստրատիան և կոռուպցիան քաղաքական իշխանության և ապաքաղաքականացված պետական ծառայության դասական երկճյուղման (դիստոմիա) խախտման ուղղակի հետևանքն են. պատճառը առաքինություն-իրավունք փոխադարձ կապի աններդաշնակությունն է: Այսինքն՝ կարելի է ենթադրել, որ պետականակերտման առաքինի աշխարհագրողությանը հակասող իրավական ակտերի ներգործությամբ ավանդությանին նախադրյալները, հոգեբանորեն կայուն հաստատուններ լինելով, անցնում են սովորային հարթություն՝ ծնելով վարքի բացասական կարծրատիպեր: Այլ խոսքերով՝ կոռուպցիան կարելի է բնութագրել որպես սոցիալական համակարգի իմունային արձագանք՝ պայմանավորված այնպիսի իրավական դաշտի ներգործությամբ, որը հակասում է սոցիալական կարգի հաստատման սկզբունքների մասին պետականակերտման ձևի նախատիպային պատկերացումներին: Հետևաբար, էթիկայի վարքականոնի մշակումը և կոմիտեների ստեղծումը պետք է զուգակցվեն վարչական իրավունքի նորմատիվ

դրույթների համապատասխան փոփոխությունների հետ: Մասնավորապես, «Պետական ծառայության մասին» օրենքում կարելի է մտցնել դրույթ պետական ծառայողների կողմից էթիկայի կանոնների պահանջների կատարման մասին: Այսպիսով, ոչ թե նորմերը, այլ էթիկայի վարքականոնի առկայությունը կամրագրվի օրենքով:

Բնականաբար, «էթոկրատիայի» ներդրման հետ կապված նոր մոտեցումները մշակելիս պետք է հաշվի առնել պետական ծառայության առանձնահատկությունը՝ ելնելով այն տեղից և դերից, որ վերջինս զբաղեցնում է պետական կառավարման համակարգում՝ «որոշումների ընդունման» այն պարադիգմի շրջանակներում, որն առավել ընդհանուր հայեցակարգային է ճանաչվել վարչարարական-պետական կառավարման տեսությունում: Այս առումով առավել ամբողջական է թվում պետական ծառայության սահմանումը որպես «պետական մարմինների լիազորությունների պրոֆեսիոնալ կիրառում պաշտոնատար անձանց կողմից» [19]: Այլ խոսքով՝ պետական ծառայությունն իրականացնում է նպատակաուղղված գործունեություն ծավալելու համար միավորված մարդկանց կայուն խումբ, որը կազմավորվում է որոշակի սկզբունքներով: Սակայն մարդկանց կողմից իրագործվող իշխանական լիազորությունները կամային, մտավոր և զգայական գործընթացների ամբողջություն են, ինչը կարող է իրականացվել ինչպես օրինաչափորեն, ռացիոնալ, այնպես էլ իռացիոնալ: Ուստի «վարչարարական-պետական կառավարումը՝ որպես սուբյեկտիվ կատեգորիա, իշխանությունը կարող է փոխել դեպի լավ և վատ կողմեր: Դա վիթխարի արարիչ և կործանիչ ուժ է» [20]: Բայց նույնիսկ հոգեբանության մեջ պետական ծառայողի էթիկայի վարքականոնի «ազդակ-հակազդեցություն» նախնական պարադիգմը ժամանակի ընթացքում տեղը զիջել է «ազդակ-օրգանիզմ-հակազդեցությանը»:

Եզրակացություն

Պետական ծառայողի էթիկայի վարքականոնը, որպես որոշակի բարոյական չափորոշիչների համակարգ, սահմանում է հատուկ սոցիալ-պրոֆեսիոնալ խմբի (որի գլխավոր խնդիրն է պետական գործառնությունների իրականացման ապահովումը) որոշակի նորմեր:

Պաշտոնատար անձի բարոյականությունը՝ որպես վերոնշյալ եռամասնության բաղադրիչ, որոշվում է նաև հասարակական պահանջներով: Ծառայողական պարտականությունների կատարման ընթացքում էթիկայի կանոններին հետևելը նշանակում է վերահսկողության հատուկ ընթացակարգ և մեթոդներ, որոնք սահմանվում են նաև էթիկայի վարքականոնով: Քանի որ, ըստ սահմանման, ծառայողական վարքը վերահսկելի է, ապա

Էթիկայի վարքականոնի գործառության արդյունավետության կարևորագույն պայման են դրա մարմնավորման մեխանիզմը, վերահսկողության եղանակները և նորմերի խախտումների համար նախատեսված պատժամիջոցները: Համենայնդեպս, վարչակազմը և առավել ևս իրավական մարմինները չպետք է զբաղվեն էթիկական վեճերի լուծմամբ: Դրա համար պետք է ստեղծվեն էթիկայի հասարակական կոմիտեներ և պատվո դատարաններ:

Կոմիտեների լիազորությունների ենթադրյալ ոլորտներ կարող են հանդիսանալ.

- պաշտոնական զանցանքների և խախտումների հետ կապված հարցերը, որոնք չեն պատժվում քրեական, վարչական և քաղաքացիական օրենսդրությամբ, սակայն բացասաբար են անդրադառնում պետական իշխանության մարմինների գործառության վրա և/կամ հանգեցնում են քաղաքացիների, իրավաբանական անձանց իրավունքների անտեսմանը՝ պետական ինստիտուտների լիազոր ներկայացուցիչների հետ նրանց հարաբերություններում,
- պետական ծառայողների կողմից ներքին կարգապահության խախտման, մասնագիտական թերացումների, ոչ պատշաճ ձևով պարտականությունները կատարելու հետ կապված հարցերը,
- ղեկավարության կողմից պետական ծառայողների իրավունքների ոտնահարման, կողմնապահությամբ պաշտոնի նշանակելու կամ պաշտոնից ազատելու, պաշտոնի բարձրացման հետ կապված հարցերը,
- պետական ծառայողների պարտականությունների որոշման, քաղաքացիների և իրավաբանական անձանց իրավունքների անտեսման, խախտումների հետ կապված հարցերը:

Բացի այս հիմնական հարցերից, կոմիտեների աշխատանքում կարող են ներառվել նաև պետծառայողների կողմից իրենց պարտականությունների պատշաճ կատարման և դրանց խախտման դեպքում նախատեսվող պատասխանատվության վերաբերյալ այլ հարցեր:

Կոմիտեների հիմնադրման և կանոնակարգի հաստատման համար անհրաժեշտ է որոշել՝

- կոմիտեի կազմը,
- անձանց և կազմակերպություններին, որոնք իրավասու են հարցեր ներկայացնել կոմիտեների քննարկմանը,
- հարցերի դիտարկման կարգը (ենթադրվում է հարցի նախնական ուսումնասիրում կոմիտեների անդամների կողմից անհատական կարգով, հարցի քննարկում և որոշման ընդունում),
- որոշումների ընդունումը և դրանց իրականացման կարգը,

- պարբերական հարցախույզի (անանուն մոնիթորինգ) անցկացում պետական հաստատության ամբողջ անձնակազմի անդամների շրջանում՝ «Պետական ծառայողի էթիկայի վարքականոնի» պահանջներին ծառայող գործունեության համապատասխանության վերաբերյալ:

Այսպիսով, «Պետական ծառայողի էթիկայի վարքականոնը» և վարչական-նորմատիվ ակտը նույնը լինել չեն կարող: Հետևաբար, «պետական ծառայողին վարչական միջոցներով բարոյական պահանջներին հետևել հարկադրելու փորձը արժեզրկում է վարքականոնի իմաստը: Դրանում ընդգրկված դրույթների պարտադիր բնույթը հենվում է ծառայողների և պետության կամավոր համաձայնագիր-պայմանագրի վրա» [21]:

Հունիս, 2005թ.

Աղբյուրներ և գրականություն

1. *Ardant Ph.*, Institutions politiques et droit constitutionnel, P., 1989, p. 16.
2. *Мкртчян Л.*, «Восприятие государства в продолжительности веков», НАН РА, 1994.
3. *Лосев А.Ф.*, «История античности эстетики (высокая классика)», изд. Искусство, Москва, 1974.
4. *Сорокин П.*, «Человек, цивилизация, общество», изд. Политическая литература, Москва, 1992.
5. *Букреев В.И., Римская И.Н.*, «Этика права», изд. Юрайт, Москва, 1998.
6. *Юнг К.Г.*, «Психология и алхимия», изд. Рефл-бук, Москва, 1997.
7. *Лазарев С.Н.*, «Диагностика кармы» (книга шестая), Санкт-Петербург, 1996.
8. *Одайник В.*, «Психология политики», изд. Ювента, Санкт-Петербург, 1996.
9. *Геворкян Г.А.*, «Национальная культура с точки зрения философии культуры», изд. НАН Армении, Ереван, 1992.
10. *Татур В.*, «Тайны нового мышления», изд. Мир, Москва, 1990.
11. *Николис Г., Пригожин И.*, «Познание сложного», изд. Мир, Москва, 1990.
12. *Василькова В.В.*, «Порядок и хаос в развитии социальных систем», изд. Лань, Санкт-Петербург, 1999.
13. *Поцелуев С.П.*, «Символическая политика: Конstellация понятий для подхода к проблеме», журн. Полис, 5/1999.
14. *Чиркин В.Е.*, «Государствоведение», изд. Юрист, Москва, 1999.
15. *Штайнер Р.*, «Основные черты социального вопроса», изд. Ной, Ереван, 1992.
16. *Сикевич З.В.*, «Социология и психология национальных отношений», изд. Михайлова В.А., Санкт-Петербург, 1999.
17. Государственно-административная деятельность во втором десятилетии развития ООН», Нью-Йорк, 1971, с. 43.
18. «Государственная служба: теория и организация. Курс лекций», под ред. Е.В.Охотского, изд. Феникс, Ростов-на-Дону, 1998.

19. *Граждан В.Д.*, «Государственная служба как профессиональная деятельность», изд. Квадрат, Воронеж, 1997.
20. *Василенко И.А.*, «Административно-государственное управление в странах запада», изд. Логос, Москва, 2000.
21. Из материалов консультаций Е.В.Охотского, в рамках проекта разработки и внедрения «Этического кодекса государственного служащего» в Республике Армения.

ЭТОКРАТИЯ КАК ВОЗМОЖНАЯ ФОРМА ГОСУДАРСТВЕННОСТИ

Ваце Калашян

Резюме

В статье рассмотрены теоретические определения этики, морали и нравственности и на основе сопоставления выдвинут совершенно новый подход для их разграничения на понятийном уровне. Исходя из внутренней логики тройственной стратиграфии мораль–нравственность–этика, следует, что именно этика является разграничительной чертой между иррациональным (моралью) и рациональным (правом). Так как этические нормы проистекают из вышеописанной тройственной стратиграфии, то право является естественным, органически взаимосвязанным явлением, внешним продолжением внутреннего мира Человека.

Исходя из механизмов соотношения мораль-нравственность–этика, был выдвинут качественно новый образ государственности (этократия). Доказательством возможности реализации этократии является тот факт, что институциональная форма государства образовывается внутренней логикой правопорядка, а правовая норма существует только благодаря его моральному, нравственному содержанию, несмотря на возникающее противоборство этих норм. Внедрение этических принципов в систему принятия решений в соответствии с нынешними реалиями возможно только при учете тех методов и инструментов, посредством которых государственная власть исполняет свою регулятивную функцию. Подосновой организации политической власти в режиме правового государства является учреждение системы государственной службы, при этом разграничивается не только непосредственная связь между политической конъюнктурой и аппаратом профессиональных госслужащих, но и компенсируются те центробежные тенденции, объективно возникающие при разделении властей.

При обобщении особенностей функционального древа правового государства обосновывается необходимость разработки этического кодекса государственных служащих и создания в государственных органах общественных комитетов по этике, что не только является средством преодоления коррупции, но при сохранении тройственной стратиграфии мораль-нравственность-этика может стать путеводным направлением трансформации системы государственной службы в качественно новый инструмент принятия решений и образования системы обеспечения преемственности власти. Именно такую модель мы условно именовали «этократией», которая, по-нашему мнению, должна противостоять нарастающей силе администократии.

Психологические принципы, исходящие из парадигмы «стимул-организм-реакция», позволяют учесть свойственные институту государственной службы характеристики при разработке этического кодекса государственного служащего. Таким образом, этический кодекс государственного служащего как система определенных нравственных стандартов предписывает конкретные нормы поведения особой социально-профессиональной группы, главная задача которой - обеспечение реализации государственных функций. Так как служебное поведение по определению является контролируемым, то важнейшим условием эффективности функционирования этического кодекса является механизм его воплощения, способы контроля и санкции за нарушением его норм. В любом случае, администрация и, тем более, правовые органы не должны решать этические споры. Для этого могут быть созданы как общественные комитеты по этике, так и суды чести.